



## Publicaziuns dalla vischnaunca, jamna 52

---

### Engraziel fetg per Vies grond engaschi ed il bien sustegn

«**Entscheiva igl onn niev cun forza, passenta el cun entusiassem e finescha igl onn cun perseveranza**»

En num dalla vischnaunca da Disentis/Mustér engraziel jeu cordialmein a tuttas personas ch'ei s'engaschadas en ina u l'otra fuorma pil beinstar communal. Plinavon engraziel jeu per Vossa confidanza ed il grond sustegn enviars la suprastanza communal. Nus s'engaschein mintga di cun perschasiun, plascher, cun meglier saver e pudè e cun bia forza per in bien e prospereivel svilup da nossa vischnaunca.

Per la buna ed emperneivla collaboraziun cun tut ils involvai, mo en special cun las collaboraturas ed ils collaboraturs che s'engaschan di per di per il beinstar general, in sincer Dieus paghi.

Nossa finamira ei da far pass per pass pli attractiva nossa vischnaunca e la regiun. Quei dumighe in nus denton mo communablamein. Ensemen essan nus fermes. Jeu giavischel a Vus tuts, stimadas convischinas, prezias convischins, da cor ina biala scumiada digl onn ed egl 2023 buna sanadad, cuntentientscha e cunzun plascher.

En num dalla suprastanza communal

René Epp, president communal

---

### Administraziun communal

Sur **Daniev** resta l'administraziun communal serrada sco suonda:

– **venderdis, ils 30 da december 2022**

– **gliendisdis, ils 2 da schaner 2023**

Nus giavischein in sanadeivel onn 2023!

Administraziun communal Disentis/Mustér

---

### Center da rimnada a Raveras – temps d'avertura sur Daniev

**Sonda, ils 31 da december 2022** resta il center da rimnada a Raveras serraus.

Ils ulteriurs dis ei il center aviarts sco usitau.

Bien engraziament per Voss'enconuschiantscha.

Uffeci da baghegiar ed infrastruttura

---



---

### Center da rimnada a Raveras – curdemus da cuschina

Naven digl **1. da schaner 2023** va la lescha davart l'economisaziun dils rufids ed il regulativ da taxas leutier en vigur. Quei munta ch'ils curdemus da cuschina dil commerci san buca pli vegnir dismiss tier il Center da rimnada a Raveras.

Sebasond sigl art. 7 al. 4 dalla lescha davart l'economisaziun dils rufids ein curdemus da cuschina crius ni cuschinai da rimnar separadamein e da surdar als posts da rimnada destinadas per quei intent. La dismissa ei era pusseivla entras il commerci.

Tenor art. 3 al. d dall'ordinaziun davart il rumien (VVEA) audan curdemus da cuschina, vanzadiras da spisas ed ieli veder tier rufids biogens (rufids animalics, vegetals e microbialis).

Ils curdemus da cuschina, ils quals vegnan actualmein dismiss al Center da rimnada a Raveras, vegnan rimnai e fermentai dil furnitur Gredig Agrar und Transporte GmbH, Via Valspregna 19, 7477 Filisur (Renato Gredig, 079 948 55 26, info@gredig-filisur.ch).

Nus supplichein da contactar directamein signur Gredig per schar s'informar e cussegljar en causa. Secapescha eis ei era pusseivel d'encurir in auter furnitur e d'anflar autras sligiazions per la dismissa.

Bien engraziament per Voss'enconuschientscha.

Uffeci d'infrastructura e baghegiar

---

### Cantar dils Retgs 2023

Ils sogns Retgs e las sontgas Reginas dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els/ellas speran d'astgar legrar e delectar biars cun lur viseta e cant. Lur tur entscheivan els/ellas mintgamai allas 15.00. Ina gronda part dil recav va en favur dalla acziun Tischlein deck dich dalla fundaziun Tür auf – mo vinavon a Mustér.

#### Gievgia, ils 5 da schaner 2023

gruppa 1: Carcarola, Davos-Mustér, Via Sursilvana, Suls Orts, Via Cavardiras  
gruppa 2: S. Gions, Catins, Raveras, Giudem Cons  
gruppa 3: Via Dulezi, Via Pervenda, Cuppa, Funs-Dadò

#### Venderdis, ils 6 da schaner 2023

gruppa 1: Cavardiras, Pardomat, Madernal, Faltscharidas, Sontget  
gruppa 2: Mompé-Tujetsch, Via Denterpraus, Buretsch, Cuoz, Sax, Acla da Fontauna  
gruppa 3: Mompé-Medel, Acletta, Funs  
ca. 18.30 cantar el vitget dalla REKA

#### Sonda, ils 7 da schaner 2023

gruppa 1: Disla, Chischliun, Scaletta  
gruppa 2: Peisel, Segnas  
gruppa 3: Clavaniev, Caschuarz, Latis, Cons-su  
19.00 cantar duront messa en baselgia a Segnas  
naven dallas 20.00 cantar en las ustrias

#### Dumengia, ils 8 da schaner 2023

11.00 cantar duront messa a Mompé-Medel  
ca. 15.00 viseta e cantar ella casa Puntreis  
gruppa 1: Via da Scola  
gruppa 2: Gonda, Via Sontga Gada  
gruppa 3: Cons-sut, Via da Scola  
17.00 devoziun en baselgia s. Gions e cantar  
18.30 cantar duront messa en baselgia da Nossadunna

---